

**CICIKOANBADIEGU**

**BULICINA FASO**  
Taanyenma - Findima - Teginma

-----  
**GUVENEMA MASOAGINDO**

**BAALO KOANBALA TAANLI**  
**JAGA DOAGIDIMA**

(PP-G/TRANS N°028-2024)

**Rimaliba Jan Emanuweli WEDARAWOGO**

**Wagadugu, li binli 2024 cinii o dana 21**

Tinunga 1 bonmu 20 nni

Baalo Koanbala Taanli den kali Wagadugu  
nani ban maani ki tiedi maama dana lele kuli,  
alaalibu daali, li binli 2024, cinii o dana 21,  
ki cili leeri 9 yogunu ki ban gbeni leeri 12 leni miniti 25.  
Kapitenni Ibirayimi TARAWORE, yua n tie ti Diema  
Yudanciamo leni a Koanbala Taanli Liigiyua n den  
gobidi laa taanli.

A Koanbala Taanli den noanli li daali mayula nni  
ki taa a jaga, ki puni i laabaali,  
ki dini bi niba a bala li tuonli po, ki puni u sanu  
bi niba n gedi dietoama nni ti Diema yeli po.

## **I. A JAGA**

Tinunga 3 bonmu 20 nni

## **I.1. BULICINA FASO YUDANCIAMO BADIDIEGU KANI**

A Koanbala Taanli diidi yaa **balimaama ke bi bogini** ti diema tibulo lebidima po.

Laa balimaa-bonginkaama sii masanbitaanalie (02) yaa n baa lebidi ki tuugi leni :

- Bulicina Faso jakoandidondili « Taanyenma-Findima-Teginma » n lebidi ki goa ki tua « **Ti baa dogu po li yaa dani kuuma, ti baa paadi** » ;
- Li baa fidi ban ñii sanbitiama po ki tagini Depitenba kani ki taa yaa balimaama n baa pa u sanu ti diema Bulicina Faso n taani leni dietoama u taajuogu bi mi taanyenma cagili nni.

Baa ke li binli 1997 ti jakoandidondili den lebidi, ti li bani ke « **Ti baa dogu po li yaa dani kuuma, ti baa paadi** » n tie yaa yedima n baa ki ye bi niba pala leni bi ñoana nni ki tie nannanli, ki tiadi yogunu kuli ke yuakuli baa doagidi o buama leni o falatuoma mi diema po. Laa jakoandidondili taama yogunu kuli a nitaana nni leni Bulicina Faso niba yema nni naa ji tie bontogikaala ka.

Yaa balimaama ke bi bogini ne baa teni :

- baadogu buama n pugini ;
- mi diema tibulo sanbila n ñoadi leni bi niba tuada leni bi niba yantiana n bua maama;
- mi diema jakoandidondili n tugini leni ti jakoandiyani;
- Bulicina Faso tuginma leni dietoama u taajuogu bi mi taanyema cagili nni n yaa faali ki go pugini mi findimoanma paalu u loagu leni bi niba yema sanbila nni.

A Koanbala Taanli tuo ke laa balimaama yaama ke bi bogini yeni n pundi Depitenba kaanu kani.

## **I.2. YAA KOANBADIEGU N DIIDI BAALO SALIWUUDO LENI YAA TUONSOANBA N GAANI I DMAPANI YEMA DAMU KANI**

A Koanbala Taanli tuo **tiwaankayenli** ki baa pa u sanu ban luodi mi biigima sanbila ki taa yaa niba n baa yaa bundi ki go soangindi i mabuolilami nni ke bangima baa ki nua ba, yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama po, li binli 2024 nni.

Ki taa yaa niba n baa yaa bundi ki go soangindi i mabuolilami nni noadi leni moala ne ti diema n pia i nantaadi leni dotoe maama, leni bi niba n miadi mi bundima leni mi soanginma tuonsoandiegu kani maama.

A Koanbala Taanli tuo ke ban taa piiga n niyendo (11) yaaba n baa yaa bundi ki go soagindi yaa koanbadiegu n die ti diema leni dietoama siiga tuginma tuona leni ti diema niba yaaba n ye dietoama nni maama kani, li binli 2024 nni.

## **I.3. YAA KOANBADIEGU N DIE I LAABAALI, KU MAASUAGU LENI YANLUADI GOADA TUONA**

A Koanbala Taanli taa **jagiyenli** ke li tuugi leni Bulicina laabaali tenma tuonsoancagili ban yi yaali mi nasaalima nni AYIBE.

Laa jagili bua ki teni AYIBE tuonsoancagili n lebidi ki tua Baalo saliwuudo tuonsoandiegu a tuona leni bi niba gobidima njamu po.

Laa jagili taama baa teni Bulicina laabaali tenma tuonsoancagili n yaa tuuni li tuona nani yaa jagili n den taa li binli 2024, cilee dana 24 daali ke li lanba tie n°2014-613/PRES/PM/ME, ki tuugi leni Baalo saliwuudo tuonsoandiedi cenli njamu.

#### **I.4. YAA KOANBADIEGU N DIIDI TI DIEMA LOAGU LENI I LIGI**

A Koanbala Taanli taa **jagalie (02)**.

**Li cicijagili** tuugi leni a tuontiamma soanma pani gaama yaa Koanbadiegu n die bi niba yema cenli teginma kani.

Laa jagili tie yaa jagili n den taa li binli 2016, ciluoba dana 02 daali lebidima ke li lanba tie n°2016-471/PRES/PM/MATDSI/MINEFID ki tuugi leni a tuontiamma soanma pani gaama yaa Koanbadiegu n die bi niba yema cenli teginma kani, i ligikuaake puginma po a tuonjaana sanbila nni.

Li boncanla laa jagili nni tie ki taani yaa tuona n bi baa ki tuuni fanma po i panpani tuona nni. Laa tuona n tie na :

- a nitaancaga maamaatila tenma mi taaliema;
- a nitaancaga tila bi yaa laabaali n yegi leni laa caga tenma.

Laa tuona nni bi go pugini yaa bancana n bili yaa nitaancaga tila n ki tiegi njama po leni yaa nitaancaga n naa fidi ki guani ki lebidi bi tila ban bili yaa yogu po.

Laa jagili taama baa teni ban yaa gaani i panpani a tuontiamma soanma po yaa koanbadiegu n die bi niba yema teginma kani Baalo ligikuaake puginma sanbila nni nani yaa balimaama n den taa li binli 2015, piiga n cilo dana 06 daali, ke li lanba tie n°073-2015/CNT ki tuugi leni i ligi balimaama li ñoamabonli 12 kani n bili maama.

**Li jagilieli** tuugi leni Bulicina laabaali tenma tuonsoancagili, ban yi yaali « AYIBE » n ji baa lebidi ki tua Baalo saliwuudo tuonsandiegu a tuona cenli njamu po (EPA).

Bulicina laabaali tenma tuonsoancagili den cili leni yaa balimaama n den taa li binli 1964, cimuu 27 daali ki tuugi leni Hoti-Volita diema nni laabaali tenma tuonsoancagili yaali n baa yaa puuni i laabaali mi diema kuli nni sanbili.

Li binli 1999, AYIBE laabaali tuonsoancagili den tuuni leni daalikuli laabaali tili ban yi yaali Sidiwaya. Hali lani, AYIBE laabaali tuonsoancagili naa fidi ki tuuni o tuona nani lan pundi maama. Dinla po, laa laabaali tuonsoancagili tuonli ji li tie ki teni i laabaali enterineti nni bebe yo, leni ki duo ki taani ki teni yaa laabaali n mali ki pendi enterineti nni.

Nani ki yaa tendi i laabaali nani lan pundi maama n tie sanbimoanli yeni, diema kuli pia tuonsoancagili yaali n puuni mi laabaali ke li yegi leni li ḡandunli laabaali tuonsoancaga n baadi ki go puuni i laabaali maama.

Ki tugini leni laa nunlama po, Bulicina Faso bua ki guani ki fiini tonma i laabaali tuonsoancagili AYIBE yeni, lin tua mi diema laabaali baama bi mi diema laabaali tenma kaanjigi.

Bulicina laabaali tuonsoancagili tuona tie ki pa bi niba i laabaalimoani, ki yaa puuni yaa laabaali n pia saala mi diema ḡamu po ki go baa cuani mi faabimoanma Bulicina Faso po.

Laa jagili taama baa teni Bulicina laabaali tuonsaoncagili n baa ki yaa tuuni li tuona nani lan pundi maama nani yaa jagili n den taa li binli 2014, cilele dana 24 daali ke li lanba tie n°2014-613/PRES/PM/MEF, ki tuugi leni Baalo saliwuudi tuonsoandiedi gobidima sanbila.

## **II. I LAABAALITENKE**



**II.1.** Li laafiali koanbali puni a koanbala taanli yaa laabaalu n tuugi leni li taafiali tuona ya n tie ki moa ki wadi a canpanda leni a potugipunba kuuma yaama n baa tuo tin lagidi ma ti diema Bulicina Faso nni.

Ti diema Bulicina Faso den cili yaa cena n tie ki yaa tuuni ki wadi a canpanda leni a potugipunba kuuma li binli 2011 yaa niinni. Dali daali n tuu liyali li bonmuuli li binli 2022 cilima nni, yaa tuonsoanjaali n die li laafiali maama li ṅandunli nni teni ke bi diidi mi maakuuma n da maama.

Ki fidi ki koani ki paadi laa bonla, ti diema Bulicina Faso soani yaa tuona n yabi boncianla, yaala n go cua ki pugini laa tuonli paalu tie yaa jagili n taa, lani n tie ki buu leni ki tieni li maapedili ke laa yegi leni ligi. Laa sanbili todi, ki cili li binli 2010 ki ban pundi li binli 2021 siiga, laa tuonli n mali yaala nne:

- li wadi yaa bila n pia bina muu ki yaa ji tiipo kuuma. Li den cili ki tie miafuoda tudili (1000) madi siiga bila 129 n yen kpe, ama ke moala li ji tie miafuoda tudili (1000) madi siiga bila 48 n ji ku;
- a canpanda maakuuma wadima. Miafuoda tudili (1000) madi siiga canpanda 28 n yen kpe ama ke li guani miafuoda tudili (1000) madi siiga canpanda 18 n ji ku;
- a potugipunba kuuma wadima. Potugipunba yaaba n ku ti madi yogunu puoba tuda kobiga (100 000) siiga puoba 341 n yen kpe ama moala ke li ji guani puoba 154 n ji ku. Li lebidi maama ke yaala n bi tie poyendo n yen màà bila luoba, li guani ke poyendo kuli maa bila 4,9;
- bi taa tama po ke yaa potugipunba n mali ti logitodiedi nni kobiga siiga kuli li pundi 87,4 (87, 4 %) li binli 2021 nni, ki sua li binli 2010 nni li den tie puoba kobiga siiga puoba 66 (66%).

Baa ke laa tuona soani, Bulicina Faso daa soani ki gbeni o tuona ki fidi ki pundi wan den bua ki pundi naani lani n tie mi buuma sanbili nni, ti madi sanbili nni, a potugipunba kubili nni, a canpanda kubili nni ki ban cie.

Ki fidi ki wadi tontoni a potugipunba leni a canpanda kuuma, bi taa yaa jaga n tie ne:

- ki luodi li laafiali tuonsoandiedi yaadi n baa yaa buu yaa yiama ke li paa bipo ki cie. Lankani bi baa yaa pia yaaba n baa yaa diidi a potugipunba leni a canpanda kuuma ki le ban baa tieni maama ki moa ki paadi laa kuuma. Bi baa bàà ban tuni yaaba ke bi baa yaa gobidi yaa yiama n kpendi likani kubili;
- ki fidi ki buu yaa potugipunba ke ti madi pani bipo leni yaa puoba n punbi ki ye leni li laafiali paka;
- ki baa, ki go boagidi mi jiema leni u ñoagu a potugipunba yaala n tie bani leni bi bila laafiali po, yaala n baa todi ban findi. Li baa yaa pia mi jiema leni a logitola n baa yaa tuuni leni yaa tuonsoantiadi.

II.2. Yaa koanbali n diidi kuran tuona leni ki tinga tugu nni piama tuona puni a koanbala taanli yaa laabaalu n tuugi leni ki tinga tugu nni piama tuona a danleleeda badiluobilu boginli Afiriki Nintuali dogi (SAMAWO)po. Laa badu bogini ki baa tieni li binli 2024, ciyia dana 26 ki yaa caa o dana 28 Wagadugu dogu nni.

SAMAWO badu mi taluobima baa tieni ke li mayuli tie «**Ki tinga tugu nni bonpiakaa-moanla: Afiriki dogi baa taa ale sanbila yo ki fidi ki findi? »**

SAMAWO mayuli tie ki teni mi diema leni li ñandunli n bandi ki tinga tugu nni piama tuona.

Tinunga **10** bonmu **20** nni

Laa badu boginli baa todi:

- u kpendu sanbila luodima yaaba n tuuni Afiriki tinmu tugu nni piama kpendu sanbili nni, yaala n ban cie mo tie ti diema Bulicina Faso nni;
- ki dadi ki cuani a kpenkpendi-ciama yaaba n baa soani ki findi ki pugini ki tinga tugu nni piama tuona;
- ki todi ki tinga tugu nni piama tuona findimoanma.

**II.3.** Yaa koanbali n diidi a cogibigbenga cogu leni mi bancanma lingima puni a koanbala taanli **laabaalilie (2)**.

**U laabaalikpialu** tuugi leni ti diema Bulicina Faso n biigi ki baa yaala Afiriki cagilieda lan tie SESEYI leni KAMESI n den bogini yaa biigima Afiriki dogi cogicanbaan-gbenga po.

Li taanma, niba kobitaa n piiga n bonbibilele (317) n den bili bi tila ki tie ti diema Bulicina Faso yaaba. Laa niba tie yaaba n tuuni u coguciamu tuonli, yaaba n tie bancanma lingida baalo tuonli nni, yaaba n tie bancanma lingida bonceli danba tuona nni leni Afiriki dogi niba. Bi den kali ki diidi laa niba yaa tila yo ke ban fidi ki baa ki soagini bi baabi liiga.

Niba kobitaa n piiga n bonbibilele (317) yaaba n bili bi tila siiga, niba kobitaa n bonbimuu (305) n tie Bulicina Faso niba yaaba ke bi sua ke bi tila bogini ki tiegi. Lani n bua ki yedi ke yaaba n bili bi tila siiga niba kobiga siiga, Bulicina Faso pia 96,21 (96,21%) yaaba yaapo ke li cuoni. Ki sua kobiga siiga niba 03,78 (03,78%) n tie yaaba n baa guani ki go biigi.

A tila diidima Cagili den tuo yaa niba n baa tila li taanli yogunu yaali n den tieni li binli 2024 cilele dana 15 ki gedi o dana 17 Libidevilli dogu nni Gabon diema nni.

A Koanbala Taanli pagi yaaba ke li cuoni bipo.

**I laabaalilieli** tuugi leni Bulicina Faso n kali Afiriki taantaali yaali n tuugi leni I bonbuoli kubili, ke laa taanli ba tieni li binli 2024 cinii dana 21 ki gedi o dana 23 Ñame dogu nni, lan tie Niseri diema nni.

Laa taanli nni, bi taantieba baa kali ki biigi ki le i bonbuoli kubima n pia yaa fuoma ki baa fidi ki cuani li jeeguoli leni mi dinma sanbila Afiriki nni. Bi go baa biigi ki pugini i bonbuoli kubima tuonsoantiadi paalu ki fidi ki baa yaa sanbila n baa todi laa tuonli n suagi liiga.

### **III. BAN DINI YAABA A BALA**

### **III.1. BAN DINI YAABA A BALA TUONCELI PO**

#### **A. YAA KOANBADIEGU N DIIDI TI DIEMA LIGI LENI A TUONBOGINKAANA**

- **SANON** pua Aseta **SANGA**, o lanba li tuonli nni tie **91 259 P**, o tie Baalo ligidiedi canbaa, bi dini o li bali ke o tua ligikubilo mi soama tuonsoandieciangu kani;
- Bolibien Nufu **PARE**, o lanba li tuonli nni tie **225 026 V**, o tie Baalo ligidiedi canbaa, bi dini o li bali ke o tua ligikubilo baalo ligidiedi tuonsoanba cogidiegu kani (ENAREFI) ;
- **NATAMA** pua Fatimata **BUDA**, o lanba li tuonli nni tie **225 057 P**, o tie Baalo ligidiedi canbaa, bi dini o li bali ke o tua ligikubilo mi tuonsoanbanma buoli cogidiegu kaniWagadugu nni (EPO) ;
- Mahamadi **SAWADOGO**, o lanba li tuonli nni tie, **55 726 B**, o tie Baalo ligidiedi canbaa, bi dini o li bali ke o tua ligikubilo mi diema tuoncagili yaali n gobidi a ñoagidiena tuona;
- Kalifa **CULIBALI**, o lanba li tuonli nni tie **57 201 F**, o tie Baalo ligidiedi canbaa, bi dini o li bali ke o tua ligikubilo ti diema lotola cogidieciangu kani;
- Ariseni **TUGIMA**, o lanba li tuonli nni tie **111 101 N**, o tie Baalo ligidiedi canbaa, bi dini o li bali ke o tua ligikubilo yaa tuonsoandiegu n tuuni dendeni bonyugiditi leni yaa yandi n pia ti ñuadi pilima tuona findima kani (SEPAMAPI) ;
- Elua **WEDARAWOGO**, o lanba li tuonli nni tie **91 625 T**, o tie Baalo ligidiedi canbaa, bi dini o li bali ke o tua ligikubilo ti diema lotola cogidiegu kani (ENESIPE) ;

- Filavien Rawogo Li Polieli **WANGIRAWA**, o lanba li tuonli nni tie **53 565 U**, o tie Baalo ligidiedi canbaa, bi dini o li bali ke o tua ligikubilo a laabaalitenla cogidieciangu kani (ISITIKI) ;
- Musa **NIKIEMA**, o lanba li tuonli nni tie **216 170 T**, o tie Baalo ligidiedi canbaa, bi dini o li bali ke o tua ligikubilo yaa tuonjaali n gobidi a tuona baama kani (AYENPEHE) ;
- Arisitidi Mari Edimon **TUGIMA**, o lanba li tuonli nni tie **216 457 F**, o tie Baalo ligidiedi canbaa, bi dini o li bali ke o tua ligikubilo mi tintama buoli bandima tuonsoandiegu (BINASOLI) kani;
- O pua Fatumata Wendejeta ke bi go yi o Suliana **WEDARAWOGO**, o lanba li tuonli nni tie **294 371 H**, o tie Baalo ligidiedi canbaa, bi dini o li bali ke o tua ligikubilo Fada lotodieciangu kani ;
- Kanbe Dirissa **TARIWALI**, o lanba li tuonli nni tie **245 229 P**, o tie Baalo ligidiedi canbaa, bi dini o li bali ke o tua ligikubilo Kudugu lotodieciangu kani ;
- Abidarayinmi **SAVADOGO**, o lanba li tuonli nni tie **278 240 B**, o tie Baalo ligidiedi canbaa, bi dini o li bali ke o tua ligikubilo Nayala porovensi ligikubilo.

**B. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA KANI**

- Wendipanga Miseli Abiduli Kaderi **KONDONBO**, bi dini o li bali ke o tua li koanbali todikaaba tuonsoandiegu yudaano ;
- Ibrahima **SANON**, o lanba li tuonli nni tie **43 294 C**, o tie kolesi leni lise cogidiedi cogicanbaa, bi dini o li bali ke o tua ku koanbadiegu tila dianma tuonsoandiegu yudaano;
- Wendemi Siliven **WEDARAWOGO**, o lanba li tuonli nni tie **208 071 A**, o tie Baalo ligi tuonsoandiedi tuona gobidikoa, bi dini o li bali ke o tua ku koanbadiegu tuona kpaagibandima leni a coala tuona yudaano;

- Jan **BUGIMA**, o lanba li tuonli nni tie **111 115 S**, o tie Baalo ligi tuonsoandiedi tuona gobidikoa, bi dini o li bali ke o tua ligikubili tuona yudaano;
- Nikola **SIAN**, o lanba li tuonli nni tie **104 855 D**, o tie Baalo ligi tuonsoandiedi tuona gobidikoa, bi dini o li bali ke o tua baalo tuonsoankaana pianma yudaano;
- O pua Pamañi Delifini **BITIE**, o lanba li tuonli nni tie **233 757 N**, o tie inforimatiki masina tuona bando, bi dini o li bali ke o tua laa tuona liigiyua;
- Sumayila **WEDARAWOGO**, o lanba li tuonli nni tie **220 309 D**, o tie mi laabaalitenma tundikoa, bi dini o li bali ke o tua ku koanbadiegu kani laa tuonli liigiyua ;
- Alasani Soma **OUATARA**, o lanba li tuonli nni tie **247 172 C**, o tie bi niba gobidima tundikoa, bi dini o li bali ke o tua ku koanbadiegu tuonsoanba gobidima.

**C. YAA KOANBADIEGU N DIIDI I DOCIAMI TINBUONA  
NANBIMA LENI A DIEDUANKAANA NANTAADI**

- Suako **KOHUNNI**, o lanba li tuonli nni tie **91 369 J**, o tie ku tingbangu cogu bando, bi dini o li bali ke o tua li koanbali torikoa, o gaa Musa **BANJIAN** kaanu ;
- Simon Josefi **BALIMA**, o lanba li tuonli nni tie **76 011 X**, o tie kolesinba leni lise cogidiena cogicanbaa, bi dini o li bali ke o tua li koanbali torikoa.



### **III.2. YAABA N BAA A BALA A TUONJAANA YELI PO**

A koanbala taanli dini a bala a tuonjaana tuona gobidima po :

- mi tuonbanma, faaji jeliti leni ti junjundi tuona (SENASA) tuonjaali kani, yaa koanbadiegu n die i laabaali, u maasuagu, leni yanluadi goada tuona yeli po ;
- a logitodieciama Yaligado WEDARAWOGO, Tengandogo, Bogodogo leni Suro SANU kani, ki pugini a biwaala lotodieciangu Sadili De GOLI kani, yaa koanbadiegu n die li laafiali tuona yeli po ;
- Yaa cogidieciangu n tie Iniverisite Yenbila Abidulayi TOGIYENI kani, yaa koanbadiegu n diidi a cogibigbenga cogu leni mi bancanma linginma tuona yeli po.

A koanbala taanli go noadi ki dini Suro SANU logitodieciangu tuona gobidikaaba liigiyua.

#### **A. YAA KOANBADIEGU N DIE I LAABAALI, KU MAASUAGU LENI YANLUADI GOADA TUONA.**

A koanbala taanli taa li jagili ki dini yaa niba n tie ne, yaa tuonjaali n tie mi tuonbanma, faaji jeliti leni ti junjundi tuona (SENASA) liiga yua, binaa taa (03) po,

#### **BAALO N GANDI YUA KE O TUA A TUONA GOBIDIKOA**

**Yaa koanbadiegu n diidi ti diema loagu leni i ligi tuona yeli nni :**

- Salifu NANA, o lanba baalo tuonli nni tie **96 897 P**, ke o tie li bancangaali tuona goandikoa.

## **BONCELI DANBA N GANDI YUA KU MAASUAGU TUONA GOBIDIMA PO**

**Yaa tuoncagili n die ti junjundi maama Bulicina Faso yeli nni :**

Isidoori Mari Alifonsi **KABORE**, ki tie Boginlo.

### **B. TI LAAFIALI KOANBADIEKU KANI**

A koanbala taanli tuo **jaga luoba (06)**.

**Li jagikpiali** dini li bali **BARO** pua Filori Dusu **TALIWALI**, o lanba baalo tuonli nni tie **57 932 F**, o tie li tuonli goandikoa, Baalo gandi o a tuona gobidima po Yaligado **WEDARAWOGO** logitodieciangu kani, yaa koanbadiegu n diidi baalo saliwuudo leni yaa tuonsoanba n gaani i nmapani yema njamu yeli po, li bakpiali po binaa taa (03).

**Li jagilieli (02)** dini yaa niba n tie ne Tandangogo logitodieciangu kani ke bi tie a tuona gobidikaaba, li bakpiali po binaa taa (03).

### **BAALO N GANDI YUA KE O TUA A TUONA GOBIDIKOA**

**yaa koanbadiegu n diidi baalo saliwuudo leni yaa tuonsoanba n gaani i nmapani yema njamu yeli po:**

- Dawuda **WEDARAWOGO**, o lanba baalo tuonli nni tie **217 039 M**, o tie bi tuonsoanba gobidima tundikoa.

### **YUA N TUA A TUONA GOBIDIKOA LI LAAFIALI CAGILI YELI NNI**

- Ali **WEDARAWOGO**, o lanba baalo tuonli nni tie **56 540 U**, ki tie canbaangbeeli li laafiali cogu nni.

**Li jagitaali (03)** dini **BA** pua Fatumata **HAMA**, o lanba baalo tuonli nni tie **110 939 F**, o tie bancanma lingima yudaano, o baa li bali a tuona gobidima po a biwaala logitodieciangu Sadili De **GOLI** kani, yaa koanbadiegu n diidi a

Tinunga **18** bonmu **20** nni

cogibigbenga cogu leni mi bancanma linginma yeli nni, li bakpiali po binaa taa (03).

**Li jaginaali (04)** dini yaa niba n tie ne ke bi tua a tuona gobidikaaba Bogodogo logitodieciangu kani, li bakpiali po binaa taa (03);

**yaa koanbadiegu n diidi ti diema loagu leni i ligi tuona yeli nni:**

- Usimaani **KABORE**, o lanba baalo tuonli nni tie **34 025 C**, o tie Baalo ligidiedi Goandikoa.

**yaa koanbadiegu n diidi baalo saliwuudo leni yaa tuonsoanba n gaani i nmapani yema namu yeli nni :**

- Kulipiga Mariten **NAKULIMA**, o lanba baalo tuonli nni tie **105 244 F**, o tie li tuonli Goandikoa.

**Li jagimuuli (05)** dini yaa niba n tie ne ke bi tua a tuona gobidikaaba Suro SANU logitodieciangu kani, li bakpiali po binaa taa (03);

**Yaa koanbadiegu n diidi li laafiali yeli nni:**

- **TALIWALI** pua Yeri Silivi **YULI**, o lanba baalo tuonli nni tie **231 505 K**, o tie Logitociamo.

**yaa koanbadiegu n diidi baalo saliwuudo leni yaa tuonsoanba n gaani i nmapani yema namu yeli nni :**

- Bilayima Sibiri **PAKODITOGO**, o lanba baalo tuonli nni tie **212 381 H**, o tie li tuonli Goandikoa.

**Li jagiluobili (06)** dini **TALIWALI** pua Yeri Silivi **YULI**, o lanba baalo tuonli nni tie **231 505 K**, ki tie Logitociamo, o tua Suro SANU logitodieciangu tuona gobidikaaba liigiya, li bakpiali po binaa taa (03).

Tinunga **19** bonmu **20** nni

**C. YAA KOANBADIEGU N DIIDI A COGIBIGBENGA COGU LENI  
MI BANCANMA LINGINMA TUONA**

A koanbala taanli **taa jaga lie (02)**.

Li **jagikpiali** dini Bukali **WEDARAWOGO**, o lanba baalo tuonli nni tie **280 438 D**, o tie u loagu findima tundikoa, ke o tua Baalo po a tuona gobidikoa u cogidieciangu Iniverisite Yenbila Abidulayi TOGIYENI kani, yaa koanbadiegu n diidi mi tagima tuonsoandiedi findima, u kpendu tuona leni u nuu tuonsoanbanma yeli nni, li bakpiali po binaa taa (03).

Li **jagilieli (02)** soagini **SEGEDA** pua Inna **GENDA** bali yogunu, o tie laabaalitenlo, ki baa yaa tie a tuona gobidikoa Iniverisite Yenbila Abidulayi TOGIYENI kani, Bulicina tinga tugu nni piama tuonsoanba liigiyaaba yeli nni, li bajuodikaali yogunu po, binaa taa (03).



[www.sig.gov.bf](http://www.sig.gov.bf)

Guvenema Masoagindo  
Le Porte-parole du Gouvernement,



**Rimalba Jean Emmanuel OUEDRAOGO**  
*Officier de l'Ordre de l'Étalon*  
**Rimaliba Jan Emanuweli WEDARAWOGO**  
*O baa Baalo jaandi leni Tanjoa maalima*

Tinunga 20 bonmu 20 nni